

增輯普濟應驗良方

急救各方卷三

凡自刎自縊凍死溺死等症。事關人命。人多畏懼不救。不知律書
末載洗冤錄一卷。原示人救活之法。今悉遵載入。以便檢閱。有
定識者。依此出力救之。起一人之生。息兩家之訟。功德最宏。善
莫比焉。

救縊死 凡縊從早至夜。雖冷猶可救。從夜至早稍難。若心上溫
一日以上。猶可救。不得遽截繩。但緩緩抱解放臥。令一人踏其
兩肩。以手提其髮。常令緊。不可使頭下垂。一人微微撚整喉嚨。
以手擦按胸腹散動之。一人摩擦臂足屈伸之。若已僵。但漸漸

強屈之如此一飯久卽氣從口出得呼吸眼開甦醒後又以官桂湯及粥飲與食之令潤咽喉更令二人以筆管吹其耳內若依此救無不活者矣官桂湯 陳皮八分厚朴一分肉桂五分製半夏

錢一分乾薑五分甘草三分○又法用手緊掩其口勿令通氣兩時許氣

急卽活○又法用皂角細辛等分爲末如豆大許吹入鼻孔○

又法用眞野山羊血二三分研極細末以好酒灌下立活

又法 凡男女縊死身雖僵冷尙可救活不可割斷繩索抱起解

下安放平坦處仰面朝上頭要扶正先將手足慢慢曲彎然後

將大小便用綿軟之物裹塞不令洩氣一人坐於頭前兩足踏

其肩揪住頭髮將縊人之手拉直令喉項通順再用二人將筆

管入耳內。不住口吹氣。不住手撫摸其胸前。用活雞冠血滴入喉鼻之中。男左女右。男用雄雞。女用雌雞。刻下卽能甦活。如氣絕時久。照此救法。務要多吹多摸。勿謂已冷。忽略不救。以上見洗冤錄。

註明
詳解

又灸法。如前法救治。再將其兩手大拇指並排平正。以小帶縛定於兩指縫中。離指甲角一分半之處。名鬼哭穴。用艾火灸三七壯。卽活。凡無故中邪而縊者。以久灸爲妙。

救溺死。水溺一宿者。尙可救。撈起時。急將口撬開。橫嚙筋一隻。使可出水。以竹管吹其兩耳。研生半夏末吹入其鼻孔。皂角末置管中吹入穀道。如係夏月。將溺人肚皮橫覆牛背上。兩邊使

人扶住牽牛緩緩行走腹中之水自然從口中并大小便流出。再用生薑湯化蘇合丸灌之。或生薑汁灌之。若無牛則用大鍋覆寬檐上。將溺人肚臍覆對鍋底。兩人擡檐搖動如係冬月急將溼衣解去爲之更換。一面炒鹽用布包熨臍。一面厚鋪被褥。取竈內初熄草灰多多鋪於被褥之上。將溺人覆臥於上。以棉枕一個墊臍下。再以草灰將渾身厚蓋之。灰上再加被褥。不可使灰瞋於眼內。其撬口嚼筋灌蘇合丸薑湯吹耳鼻穀道等事。俱照夏天法甦醒後。冬天宜少飲溫酒。夏天宜少飲粥湯。按灰性煖而能拔水。凡蠅溺水死者。以灰埋之。少頃卽活。此明驗也。凡溺人倘或微笑。必爲急掩其口鼻。如不掩則笑而不止。不可。

救矣。切不可驟令見火。但一見火則必大笑凍死者亦然。○又醋灌鼻中。綿裹石灰納下竅。水卽出。○又法以酒罈一個。燒紙片一把。放罈內。急以罈口覆臍上。冷卽再燒紙片入罈覆臍去水。卽活。俱見洗冤錄集解

救刀傷 凡殺傷不透膜者用 乳香 沒藥各一皂角子大。研

爛。以小便半盞。好酒半盞。同煎至半盞。溫服。然後用烏賊魚骨或龍骨爲末。敷傷處。卽愈。若有預製花蕊石散敷之。更妙。○昔

推官宋瑑定驗。兩處殺傷。氣偶未絕。亟令保甲取葱白炒熱。遍敷傷處。繼而呻吟。再易葱白。傷者無痛矣。○又被刀傷出血不止。用眞降香磁瓦刮末。於石礮研細敷之。

金瘡腸出者多用小麥水煮濾汁待極冷令病人臥蓆上含汁噴其背則腸漸入初噴時勿令病人知勿使多人在旁言語如腸未入擡蓆四角輕搖則自入既入須用蒜油潤線縫之仍以闊帛紮束慎勿驚動免瘡口復迸

以上洗窻錄集解

自刎斷喉須救在早遲則額冷氣絕乘初刎時氣未絕身未冷一面將頭墊曲合攏刀口拭去血一面急用大雄雞一隻快手輕去其毛生剝皮乘熱包貼患處完好安穩枕臥自然漸漸甦醒

善爲調理痊愈

咽喉戳傷飲食不下雞蛋一個開一孔去黃留白入生半夏一個微火煨熟止食蛋白即愈

七釐散方

此藥必須預爲製合以備送人救急之用專治金刃

跌打損傷。骨斷筋折。血流不止者。先以此藥七釐沖燒酒服之。

量傷之大小。再用燒酒調敷。如金刃傷過重。或人食緊割斷。不

必用雞皮包紮。急用此藥乾摻傷處。定痛止血。立時見效。此方

傳自軍營。凡打杖受傷。有起死回生之功。兩廣雲貴得此方者。

調治鬪毆諸樣重傷。無不應手立痊。竊念藥既平淡。配製甚易。

而奏功神效。視鐵扇散爲更捷。既救人生。且息訟端。願同志者

共寶之。以互傳濟世焉。 硃砂 一錢二分 麝香 一分二釐 冰片 一分二釐 乳香

一錢五分 沒藥 一錢五分 兒茶 二錢四分 紅花 一錢五分 血竭 一兩 以上之藥共研極

細末。於端午日正午時製合。磁瓶收貯。黃蠟封口。勿令洩氣。貯

久更妙。或未預備此藥者，卽選擇天德月德日，或臨時配合，亦可。然服之，只須七釐，不可多服。孕婦忌服。

火湯燒傷

或被火燒肢體，遍身受傷，重者火毒攻心。

黃連

花粉

玄參

各二錢

陳皮

桔梗

山梔

各一錢半

淡竹葉

二十片

外

遍身潰爛者

先喫童便，或

蘿蔔汁一二碗，可護其心。

外塗蚌殼

灰雞子清調搽。

白礬末和香油塗，亦愈。

經霜桑葉燒灰香油調塗，亦愈。

愈。

湯火傷

切勿以冷水冷物淋搨，恐熱氣內逼。有爛入筋骨之患。

傷甚則急飲小便一碗，免火毒攻心。急切無藥，先以鹽末摻之。

護內不壞，然後用藥敷之。

生大黃

研細末

先遍敷真桐油，隨將

藥末撒上，卽覺清涼。其痛卽止。愈後且無痕跡。一切單方皆不

及此方能立刻止痛也。○又方。用尿桶中宿尿。或滾或浸一時之久。再以蜂蜜麻油調敷。此二方取之至便。卽火燒湯潑遍身垂危者。皆能治之。○又湯火傷有治不得法。以致燉赤腫痛。毒腐成膿。用此膏拔之。止痛斂口。麻油四兩當歸一兩入麻油再入黃蠟兩一攪化隔水拔火氣。以布攤貼取效。

又湯火傷

用久遠糞缸內磚塊煨灰。冷透敷之。○又用香灰將

菜油調塗立愈。屢試仙方。○又柳樹燒汁搽。又紋銀磨人乳搽。

均奇妙。

湯火藥

蒲黃二兩黃柏一兩寒水石一兩黃丹五錢赤石脂一兩上藥俱用

生的爲末。井水調搽如爛。用麻油調鴨毛刷。

救凍死○切忌見火

詳救溺下

雖四肢直口噤但胸前微溫皆可救用

大鍋炒灰令極煖袋盛熨心上灰冷卽換俟目開爲度以溫酒

或清粥稍灌之已救活宜用生薑陳皮煎湯溫服○又法用鹽

或草蓐捲之以索繫定放平坦處令二人相對推踏令滾轉往

來如扞鹽法候四肢溫卽活

以上洗寃錄詳解

又方用生半夏末吹少許入耳鼻內○又凡凍死溺死者飲湯

酒切忌太熱恐傷齒盡落

救魘不得用燈火照并不得近前急喚但痛咬其足跟及足大

拇指頻頻呼其名及唾其面再灌以薑湯必活

魘不醒者移動些小臥處徐徐喚之卽醒○凡夜間魘者原有

燈卽存燈。原無燈不可用燈照。○又用筆管吹兩耳以皂角末如豆大許吹兩鼻得噴嚏則氣通三四日者尙可救。○又酒調蘇合丸灌之。○又炙兩足大拇指向上生毛處三七壯效。俱見洗冤

錄詳解

救自食生鴉片烟起死回生方。

藜蘆

五錢

生甘草

五錢

生大黃

一兩

上三味用長流水三大碗煎汁去渣再入白蜜

五錢

膽礬

二錢

研細

冲入溫涼灌服。不論用茶酒食生烟者皆能全活。服後在上焦者卽吐在下焦者卽瀉。或吐不效再服一劑起死回生無不立驗。

治驚斃

以醕酒一二杯溫灌之自活。

洗冤錄集註

撲打猝死

五絕及撲死等症。俱須心頭溫煖。雖經日亦可救。先

將死者盤屈在地上。如僧打坐狀。令一人將其髮控住放低。用

生半夏末。以竹管各吹於兩鼻內。久之卽活。再以生薑自然汁

灌之。兼解半夏毒。

五絕者產暈邪魅自縊溺死魘死治法俱用生半夏末每鼻孔各吹如豆大許

又諸

症

俱以酒調蘇合丸灌之

但身未冷下喉卽活。

俱見洗冤錄詳註

跌壓傷死

凡跌壓重傷之人。口耳出血。昏暈不醒。但看面色尙

有生氣。身體尙爲縣軟。皆可救。但不可多人環繞嘈雜驚慌。致

令驚魂不復。急令親人呼而扶之。且就坐於地。緊爲抱定。曲其

手足。如僧打坐樣。隨以熱童便灌之。卽大人溺亦可。須未食葱

蒜而清利者。去其頭尾數滴。若有馬溺更妙。但強灌得一二杯

下喉便好。然後輕移於相呼之人懷中。抱入室內。如前坐法。更以足緊抵糞門。不令洩氣。並將窗櫺遮蔽。令暗一面。以加味四物湯。近身旁煎之。傾入碗內。卽放鼻下薰之。總要傷者聞藥氣入腹。則不致入口惡逆。乘熱用小鍾灌之。如難急受。少頃再灌。陸續灌完。不可使臥。其糞門更須頂緊。恐其氣從下洩。以致不救也。必俟其腹中動而有聲。上下往來數遍。急不能待。方可使解。所下盡是淤紫毒。已解下方可令睡。必致淤盡。所下是糞。始停前藥。否則再進一劑。次第調理。不可輕用補藥。加味四物湯。桃仁去皮尖一兩。紅花兩。山查兩。生大黃兩。當歸三錢。川芎二錢。白芍三錢。熟地九錢。用急流水急火煎數沸。和童便一大杯服。見洗冤錄。

詳解

又一切撲折及從高墜下木石傾壓落馬墜車以致瘀血凝滯氣絕欲死者倉卒無藥急以熱小便灌之免惡血攻心再用乾淨黃土五升椎碎甑蒸熟舊布重包二包便熨傷處數次痛止傷消但不可太熱恐燙傷皮肉

治跌撲傷損方 筋骨折傷急取雄雞一隻刺血量患人酒量沖

服痛立止赤水跌打骨斷用金櫻子根去皮煎酒熱服渣敷患

處立愈願濟堂刊施接骨不知痛川鳳仙花根酒磨服半寸最多一

寸然後揉托而上則不知痛但多服傷人以一寸為極秘方集驗

治重物打壓傷 凡手足肩背被重物打傷或青腫紫赤血痕疼

痛不致內傷。用蘇木煎汁磨真降香塗之。不可落水。連塗數日。其腫消散。屢驗。

又方 用虎膽草搗爛搽傷處卽愈。

玉真散 治金刃撲跌破傷風 天南星防風等分爲末。好酒調敷傷處。再用薑汁炒天南星防風白芷炒天蟲等分研末。童便好酒調服三錢。雖牙閉舌縮腰背反張。內有瘀血。病在垂危者。服之立可回生。

凡遇破傷風。以及婦人產後驚風。先以手三指駢並。插入病人口內。三指可入者易治。若止入二指者。其症必危。用此法驗之。可先知其生死。

又接骨神方 治跌傷斷骨從高墜下驢馬上跌折筋骨 礪砂 水

粉 當歸 各三錢右為末每服二錢蘇木湯下

接骨又方 治驢踢馬踏傷損骨碎者 生半夏 黃柏 各二錢生搗

又接骨 自然銅三個均燒紅醋淬七次土鱉蟲三個陰陽瓦炙

乾麝香三分共為細末每服七釐酒調服甚效

接骨簡效方 治骨斷損傷 蟹殼 炙灰存性酒調服

夾棍傷 急用熱童便一盆浸足燒紅磚淬之即熱童便上白油

浮起其傷盡出再用肥皂搗爛和雞子清和勻罨患處以草紙

裏紫緊一夜不可動 內服末藥 人中白 一兩 煨乳香 各二錢燈 牛膝 三錢

木耳炭 存性五錢